

Saksprotokoll i fylkestinget - 02.- 03.10.2018

Dan Femoen (H) sette på vegner av H og Frp fram følgjande forslag:

1. For å ivareta det gode arbeidet med elevane si psykiske helse vert Psykologteamet i Hordaland på seks årsverk forlenga ut 2019.
2. Psykologteamet skal liggja under den fylkeskommunale PP-tenesta med kontorplass på ulike skular og lokale PPT - kontor. Dette for å ivareta alle skulane i fylket, samt sikre godt samarbeid med skulehelsetenesta.
3. Psykologteamet skal arbeida oppdragsbasert, og alle skular i HFK skal kunna nytta seg av tilboden. Teamet skal ha fokus på systemretta arbeid på skulane, og arbeidet teamet gjer skal forankrast i leiinga på den einskilde skule.
4. Psykologteamet skal også arbeida individretta med samtalar med elevar, og rettleia skulane i arbeidet med elevane.

Emil Gadolin (A) sette på vegner A, Krf, Sp og SV fram følgjande alternativ forslag til pkt.2:

«Alternativ til pkt.2.

Psykologteamet skal liggja under den fylkeskommunale PP-tenesta med kontorplass på ulike skular. Teamet skal opplevast som tilgjengeleg for elevane og ivareta alle skulane i fylket, samt sikre godt samarbeid med skulehelsetenesta.»

Det var 56 representantar til stades.

Røysting

Femoen sitt forslag fekk 22 røyster (H, Frp og V) og fall.

Innstillinga pkt.1, 3 og 4 fekk 34 røyster (A, Krf, Sp, SV, R, MDG og Uav) og vart vedtekne.

Innstillinga pkt.2 fekk ingen røyster og fall.

Gadolin sitt forslag pkt.2 fekk 49 røyster (A, Krf, Sp, SV, V, R, MDG, Uav og H) og vart vedteke.

Vedtak

1. For å ivareta det gode arbeidet med elevane si psykiske helse vert Psykologteamet i Hordaland på seks årsverk forlenga.
2. Psykologteamet skal liggja under den fylkeskommunale PP-tenesta med kontorplass på ulike skular. Teamet skal opplevast som tilgjengeleg for elevane og ivareta alle skulane i fylket, samt sikre godt samarbeid med skulehelsetenesta.
3. Psykologteamet skal arbeida oppdragsbasert og alle skular i HFK skal kunna nytta seg av tilboden. Teamet skal ha fokus på individretta arbeid med samtalar med elevar og rettleia skulane i arbeidet med elevane.
4. Psykologteamet skal i tillegg kunne arbeida systembasert. Dette arbeidet skal forankrast i leiinga på den einskilde skule.